



Broj: 01-19/18
Vareš, 31. 01. 2018. godine

Na osnovu člana 13. stav 2. alineja 5. i člana 35. stav 3. Zakona o principima lokalne samouprave u Federaciji BiH („Sl.novine Federacije BiH, broj: 49/06 i 51/09), člana 22. stav 2. Zakona o stvarnim pravima („Sl.novine Federacije BiH“, broj: 66/13 i 100/13, i člana 22. tačka 7. Statuta Općine Vareš – Prečišćen tekst, broj: 01-162/12 od 11.09.2012. godine, rješavajući po službenoj dužnosti, Općinsko vijeće Vareš, na 14. sjednici održanoj 31.01.2018. godine, d o n o s i

R J E Š E N J E

1. Prestaje pravo upravljanja i posjeda na nekretninama upisanim na pravnom licu DP „Energoinvest“ Rudnik olova, cinka i barita Vareš, zbog okončanog stečajnog postupka i brisanja pravnog lica u registru Općinskog suda u Zenici, označenim kao:
 - k.č. broj 150/2 „Stovarište“, neplodno u površini od 1.815 m², upisano u z.k. uložak broj 530 k.o. SP Vareš, što po novom premjeru odgovara parceli broj 2294/2 k.o. Vareš.
2. Na osnovu ovog Rješenja zemljišno-knjižni ured Općinskog suda u Visokom i katastar Općine Vareš, brisat će raniji upis zemljišta, upisanog kao društvena/državna svojina sa pravom upravljanja i posjeda upisanog na DP „Energoinvest“ Rudniku olova, cinka i barita Vareš uz istovremeno brisanje kulture „Skladište“ i upis sadašnje kulture „gradilište“, u korist vlasništva i posjeda:

OPĆINA VAREŠ sa 1/1 dijela

O b r a z l o ž e n j e

Po službenoj dužnosti, a nakon naknadno pronađenih nekretnina koje su se vodile na nepostojećem pravnom licu DP „Energoinvest“ Rudnik olova, cinka i barita“ Vareš, ovaj organ je pokrenuo postupak, te na osnovu činjenica utvrđenih u postupku, utvrdio sljedeće:

- Rješenjem Skupštine opštine Vareš, broj:06-476-4/85 izvršen je prenos nekretnina opisanih u tački 1. ovog Rješenja u korist preduzeća „Energoinvest“ Rudnik olova, cinka i barita Vareš, a u svrhu izgradnje utovarne rampe na željezničkoj stanici u Vareš Majdanu;

- Rješenjem Općinskog suda u Zenici, broj: 43 0 St.049080 11 St. Od 14.05.2013. godine, zaključen je stečajni postupak nad pravnim licem DP Rudnik olova, cinka i barita Vareš i naloženo brisanje ovog pravnog lica u Registru društava Općinskog suda u Zenici i drugih javnih registara.

Odredbom 22. stavom 2. Zakona o stvarnim pravima („Sl.novine Federacije BiH“ broj: 66/13 i 100/13), propisano je da nekretninama u vlasništvu osoba javnog prava raspoložbe i upravlja i koristi ih tijelo koje je za to nadležno na osnovu zakona. Članom 336. sta 1. istog zakona, propisano je da posjed prestaje kada prestane posjednikova faktička vlast na stvari.

Kako se radi o nekretninama upisanim kao društvena/državna svojina a koje predstavljaju neizgrađeno gradsko građevinsko zemljište koje je bilo upisano sa pravom upravljanja i posjeda na pravnom licu koje je brisano iz sudskog registra, odlučeno je kao u izreci Rješenja.

Ovo Rješenja nema karakter upravnog akta u upravnom postupku i protiv njega se ne može izjaviti žalba niti pokrenuti upravni spor.

DOSTAVLJENO:

- 1 x Zemljišno-knjižni ured
Općinskog suda u Visokom
- 1 x Katastar općine Vareš
- 1 x U spis
- 1 x a.a.

**PREDSJEDAVAJUĆI
OPĆINSKOG VIJEĆA**

Kenan Kamenjaš